

13.04.2017.



Jučer je održana deseta redovna sjednica Ekonomsko-socijalnog vijeća BPK Goražde na kojoj se našlo sedam tačkaka dnevnog reda. Nakon usvajanja Zapisnika sa devete redovne i prve vanredne sjednice prešlo se na rad i raspravu po tačkama dnevnog reda.

Ekonomsko-socijalno vijeće BPK Goražde razmatralo je Nacrt Zakona o koncesijama BPK Goražde te imalo primjedbu na član 21.stav 2. predmetnog zakona, u kojem se navodi da predsjednik i zamjenik predsjednika komisije za koncesije moraju biti diplomirani pravnici. Vijeće je stava da nemoraju biti i predsjednik i zamjenik predsjednika diplomirani pravnici.

Ekonomsko-socijalno vijeće BPK Goražde imalo je nekoliko sugestija kada je u pitanju Nacrt Zakona o koncesijama BPK Goražde i to:

- Prije dodjele ugovora o koncesiji dostaviti Ekonomsko-socijalnom vijeću BPK Goražde da daje mišljenje o istom

- Da sjednicama Komisije za koncesije prisustvuje minimalno jedan član Vijeća

- Da se Vijeće bude redovno informisano o efektima koncesija

Ekonomsko-socijalno vijeće BPK Goražde razmatralo je Nacrt Zakona o unapređenju lokalnog poslovanja BPK Goražde te ima primjedbu na član 5.predmetnog zakona u kojem se nenavodi potpora poljoprivrednoj proizvodnji.

Vijeće je stava da se u članu 5.ugradi „novčani podsticaj za poljoprivredu“ ukoliko nije protivan sa Zakonom o poljoprivrednoj organskoj proizvodnji i posebnim podsticajima za poljoprivredu.

U članu 17.stav 2. Vijeće predlaže da se Komisija za izbor korisnika poticajnih sredstava sastoji nadplovičnom većinom od poslodavaca – predstavnika Udruženja poslodavaca uz zaključak da se predstavnik poslodavca u slučaju dodjele sredstava tom poslodavcu može isključiti kod glasanja.

Vijeće je stava da je predmetni Zakon pozitivan i da bi trebao imati kao rezultat povećanje broja zaposlenih.

Ekonomsko-socijalno vijeće BPK Goražde razmatralo je Nacrt Zakona o državnoj službi u BPK Goražde, te na isti nije imalo primjedbi.



Ekonomsko-socijalno vijeće BPK Goražde razmatrajući problematiku rada Ekonomsko-socijalnog vijeća BPK Goražde zahtjeva od Vlade BPK Goražde provedbu člana 14. Sporazuma o osnivanju Ekonomsko-socijalnog vijeća BPK Goražde u kojem je predviđeno da se stručni, organizacijski i materijalni uslovi za rad Vijeća osiguravaju u Budžetu BPK Goražde, a poslovi za Vijeće obavljaju u prostorijama koje će obezbjediti Vlada BPK Goražde.

Traži se od Vlade BPK Goražde da se u Ministarstvu za privredu BPK Goražde odredi osoba koja će obavljati tehničke i organizacijske poslove za rad Vijeća, zaprimati materijale od ministarstava koje će tražiti od Vijeća mišljenja na zakone i druge dokumente, kopirati materijale za članove Vijeća u ministarstvu za privredu, sazivati sjednice, voditi arhivu Vijeća i obavljati druge poslove za rad Vijeća.

Ostali socijalni partneri (Udruženje poslodavaca i Savez Samostalnih sindikata) dužni su dostaviti ime osobe – koordinatora koji će saradivati sa osobom iz ministarstva za privredu koji će obavljati tehničke poslove za rad Vijeća.

Također, Vijeće je zatražilo od Vlade BPK Goražde da u budućem planiranju Budžeta bude obavezno uvršten kod za sufinansiranje rada Vijeća.

Vijeće je zadužilo Sindikat BPK Goražde da dostavi u roku od mjesec dana prijedlog predsjedavajućeg Vijeća, a Vlada BPK Goražde prijedlog za zamjenika predsjedavajućeg Vijeća.

Vijeće je zatražilo od Vlade BPK Goražde da produži mandat članovima Ekonomsko-socijalnog vijeća ispred Vlade BPK Goražde ili izabere nove članove budući da mandat imenovanim ističe 15.04.2017.godine.

Vijeće je zatražilo od Sindikata BPK Goražde da produži mandat članovima Ekonomsko-socijalnog vijeća ispred Sindikata BPK Goražde ili izabere nove članove budući da je mandat imenovanim istekao.